

IQRA'

Bil. 6/2022
JUN

eISBN : 2735-1920



*Kunjungan Hormat PTAR Ke Atas Pengarah BHEI
PTAR SHAH ALAM - m/s 5*



*Program Transit Ilmu Bil. 2/2022
PTAR ALOR GAJAH - m/s 14*



*Program Penyediaan Profil Penyelidik
PTAR MACHANG - m/s 19*



*Gotong-Royong Pelupusan Perabot
PTAR PULAU PINANG - m/s 22*



*Program Read@UiTM PTAR Seri Iskandar 2022
PTAR SERI ISKANDAR - m/s 30*

PROMOSI@PTAR

Do you have questions regarding reference material?
CHAT WITH LIBRARIAN
To help you with your OPEN AND DISTANCE LEARNING (ODL)
<https://libr.um.edu.my/#chat>

IQRA BULLETIN
Penerbitan Berkala: 6x setahun
Penerbitan Berkala: 6x setahun
Penerbitan Berkala: 6x setahun



Disediakan oleh: Noor Azureen Abd Aziz



Pada 24 Jun 2022 (Jumaat), Perpustakaan Tun Abdul Razak, Shah Alam telah mengadakan siaran langsung Bicara Pakar yang bertajuk Legasi Kerajaan Jamalullail Perlis yang dikendalikan oleh YBhg. Prof. Datuk Dr Shamrahayu Ab. Aziz, Penyandang Kursi Institusi Raja-Raja Melayu UiTM Shah Alam selaku moderator bersama panel jemputan Dr Haji Hazman Hassan, Timbalan Yang Di-Pertua Majlis Agama Islam dan Adat Istiadat Melayu Perlis (MAIPs) / Pensyarah Kanan SLCP UUM.

Perlis Indera Kayangan merupakan salah sebuah negeri beraja di Malaysia yang diperintah oleh institusi raja berpelembagaan yang berdaulat, sama seperti pemerintahan kelapan-lapan buah negeri beraja yang lain di Malaysia. Sejarah institusi beraja negeri Perlis boleh ditelusuri seawal abad ke-19.

Raja Perlis yang pertama adalah Raja Syed Hussein bin Syed Haun Jamalullail (1843 – 1873). Baginda telah meletakkan islam sebagai identiti dan pegangan kerajaan Perlis.

Seterusnya, pemerintahan Raja Syed Ahmad bin Syed Hussein Jamalullail yang merupakan anakanda Raja Syed Hussein Jamalullail (1873 – 1897). Syiar islam terus dimartabatkan dengan pembukaan pusat pengajian islam (pondok), masjid sebagai pusat ibadat dan memperbaharui binaan masjid.

Selepas kemangkatan Raja Syed Ahmad, baginda digantikan dengan cucunda baginda iaitu Raja Syed Saffi bin Syed Alwi Jamalullail (1897 – 1904). Baginda mengutamakan pelaksanaan fardu kifayah dan telah mewujudkan kemakmuran dengan menggembelng tenaga membina jalan raya. Baginda turut berjasa membina tali air, menaikkan taraf ekonomi dan telah mendirikan sekolah pertama di Negeri Perlis.

Berikutnya, pemerintahan Raja Syed Alwi bin Raja Syed Saffi Jamalullail (1904 – 1943), anakanda Raja Syed Saffi Jamalullail yang telah menubuhkan Majlis Agama Islam & Adat Istiadat Melayu Perlis (MAIPs) pada tahun 1920. Selain itu, baginda juga telah menaik taraf institusi kehakiman islam, menyusun semula sistem kutipan dan agihan zakat dan fitah, mengasas madrasah serta membina mercu tanda Melayu-Islam.

